

Na osnovu članova 24., 25., 26., 27. i 28. Zakona o unutrašnjim poslovima Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 6/15) i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03), te člana 36. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18), Komisija za izbor i imenovanja Skupštine Bosansko-podrinjskog kantona Goražde, **o b j a v l j u j e**:

JAVNI KONKURS ZA IZBOR I IMENOVANJE ČLANOVA NEZAVISNOG ODBORA

U skladu sa Zakonom o unutrašnjim poslovima Bosansko-podrinjskog kantona Goražde imenovanje članova Nezavisnog odbora vrši Skupština Bosansko-podrinjskog kantona Goražde, na prijedlog Komisije za izbor i imenovanja Skupštine Bosansko-podrinjskog kantona Goražde.

Nezavisni odbor se sastoji od sedam članova. Članovi Nezavisnog odbora biraju se iz reda istaknutih stručnjaka iz oblasti pravnih, kriminalističkih i drugih društvenih nauka, te iz organizacija koje se bave zaštitom ljudskih prava ili drugih srodnih oblasti, s tim da najmanje jedan član Nezavisnog odbora mora biti diplomirani pravnik, odnosno lice sa stečenom diplomom visokog obrazovanja po bolonjskom sistemu studiranja sa ostvarenih najmanje 240 ECST studijskih bodova, pravne struke.

Sastav Nezavisnog odbora odražava nacionalni sastav stanovništva na teritoriji Kantona prema poslednjem važećem popisu stanovništva u BiH, a vodi se računa i o polnoj zastupljenosti..

1. Osnovni zadaci Nezavisnog odbora

- Upravlja procesom izbora i smjene policijskog komesara;
- vrši nadzor nad radom policijskog komesara.

2. Kriteriji koje kandidat treba da ispunjava su sljedeći:

- da je državljanin Bosne i Hercegovine;
- da ima najmanje VII stepen školske spreme ili visoko obrazovanje po bolonjskom sistemu studiranja sa ostvarenih najmanje 240 ECST studijskih bodova i najmanje pet godina radnog iskustva nakon sticanja visoke školske spreme, odnosno visokog obrazovanja u oblasti pravnih, kriminalističkih ili drugih društvenih nauka;
- da nije član političke stranke;
- da u posljednje četiri godine nije bilo na bilo kojoj poziciji u političkoj stranci na bilo kojem nivou, niti je bilo postavljeno na bilo koju poziciju od strane političke stranke;
- da u posljednje četiri godine nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
- da nije osuđivano za krivično djelo;
- da se protiv njega ne vodi krivični postupak;
- da mu nije izrečena disciplinska sankcija za teže povrede službene dužnosti;
- da nije policijski službenik ili uposlenik Ministarstva i Uprave policije.

3. Ograničenja izbora

Kandidat za člana Nezavisnog odbora ne može biti član političke stranke.

Osoba koja je u posljednje četiri godine bila na bilo kojoj poziciji u političkoj stranci na bilo kojem nivou, ili je bila postavljena na bilo koju poziciju od strane političke stranke ili je bila član izvršnog ili zakonodavnog tijela na bilo kojem nivou vlasti u Bosni i Hercegovini, ne može biti imenovana za člana Nezavisnog odbora.

Osoba protiv koje je pokrenut krivični postupak ili izrečena pravosnažna presuda za krivična djela i protiv koje je izrečena disciplinska sankcija za teže povrede službene dužnosti ne može biti imenovana za člana Nezavisnog odbora.

Član Nezavisnog odbora ne smije biti u sukobu interesa u vezi sa radom Uprave policije.

Sukob interesa postoji kada lice predloženo za imenovanje za člana Nezavisnog odbora ima lični interes u poslovima koje obavlja Uprava policije, a koji može uticati zakonitost, transparentnost, objektivnost i nepristrasnost u vršenju funkcije u Nezavisnom odboru.

4. Status

Nezavisni odbor imenuje Skupština na prijedlog Komisije za izbor i imenovanja Skupštine u roku od 30 dana od dan podnošenja prijedloga.

Nezavisni odbor imenuje se na mandatni period od četiri godine.

Članovi Nezavisnog odbora iz stava (2) ovog člana mogu biti imenovani u Nezavisni odbor samo dva puta uzastopno.

Rad Nezavisnog odbora finansira se iz Budžeta Skupštine.

Član Nezavisnog odbora ima pravo na mjesečnu naknadu za svoj rad čiju visinu utvrđuje Skupština, na prijedlog Komisije za budžet, finansije i administrativna pitanja Skupštine.

Uz prijavu na Javni konkurs kandidat je dužan dostaviti:

- uvjerenje o državljanstvu;
- dokaz o stručnoj spremi;
- dokaz o radnom iskustvu;
- biografiju iz koje je vidljivo da ispunjava kriterije iz člana 26. Zakona o unutrašnjim poslovima Bosansko-podrinjskog kantona Goražde;
- ovjerenu izjavu da nije član političke stranke i da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- ovjerenu izjavu da u posljednje četiri godine nije bio član izvršnog ili zakonodavnog tijela na bilo kojem nivou vlasti u Bosni i Hercegovini;
- ovjerenu izjavu da mu nije izrečena disciplinska sankcija za teže povrede službene dužnosti;
- uvjerenje Ministarstva unutrašnjih poslova o nekažnjavanju;
- uvjerenje suda da se ne vodi krivični postupak;
- izjava ovjerena od strane nadležnog organa da nije uposlenik Ministarstva i Uprave policije.

Traženu dokumentaciju dostaviti u originalu ili ovjerenoj kopiji.

Javni konkurs će biti objavljen u „Službenim novinama Federacije Bosne i Hercegovine“ i dnevnom listu „Avaz“.

Rok za podnošenje prijave na Javni konkurs je 15 dana od dana posljednjeg objavljivanja.

Neblagovremene i nepotpune prijave neće biti uzete u razmatranje.

Prijave dostaviti na adresu:

Skupština Bosansko-podrinjskog kantona Goražde
Komisija za izbor i imenovanja
Ul. Maršala Tita br. 5.
G o r a ž d e